



Pem lehkha-ah fimkhur a tul

Chanmari West, 5 August: Hmanlai atangin Mizote hi pem kual thin hnam kan ni a, kan lo changkan tak hnu pawh hian kan la pem kual ta zel a ni. Kan pem kual chhan hi eizawnna avangte, zirna avangte leh chhan hrang hrang vangte a ni thin. Tunlai pawh hian mi leh sa kan inhriat pawh tawn tawh loh vangin leh kan mi leh sa chhinchhiah zel kan duh vangin pem lehkha pawl hrang hrangin kan siam thin.

YMA hian Pem lehkha a nei a, khawi hmunah pawh YMA awmna hmunah kan pem kual chuan chu lehkha chu kan ngai pawimawh em em thin a ni. Pem lehkha dik nei chauh kan inpawm thin.

Chutiang chiah chuan VC/Local Council pawhin hetiang pem lehkha hi an nei a, mi eng ang nge an nih hriat nan an hmang bawk thin a ni. Amaherawhchu anni lam hi YMA ang em em chuan an khawng lova, kan pal zut deuh ni chuan a hriat a, khua leh venga awm phal leh phal lo theitu chu an ni hi an ni thung.

Kohhran pawhin pem lehkha an nei a, pem lehkha pangngai bakah hriatpuina lehkha pawh an nei a, chung

pem lehkha chu an Biak Inah an chhiar chhuak thin a, an inpawm tlang thin.

Pem lehkha chungchangah hian kan hnam hi kan fimkhur tlan a ngai tawh hle a ni. Khawi veng emaw atangin tu emaw an rawn pem a, chu pem lehkha chu heng pawl leh Kohhran hrang hrangte hian kan inhriat pawh tawn a, kan pawm tlan dan pawh kan inhriattir zel a tha hle a ni.

Mi tha vak lo emaw rinhlelhawm mi tak kan mikhual a nih pawhin pawm lo tura hma kan lak tlan angai a, chanchin kan inhriattir vat vat thin a tha khawp mai. Hun harsa leh hminchhiat theihna a lo thlen hnu a, insawi thiam tum leh kan mi leh sa a ni lo tih vel chhuah leh ngai hi kan pumpelh theih nan tun atang hian pawl hrang hrang leh Kohhran hian thawh hona tha nen hmalam pan tlan angai a ni.

LUSUN

Kan Member Pu C. Zosangliana (Life Member) Kum 53 S/o Laibata 'T' Section chuan Ni 2.8.2012 khan min boralsan a, a kalsan a chhungte kan tawrhpu tak zet a ni.

Thlanmual Sub-Committee

Thlanmual a hman tur Cement bag ruak a tlem tawh avangin pek tur neite chuan he No. 9862655426 ah hian khawngaiha inhriattir tur a ngen inni. Thlanmual bungruate tah hriam sak a, chei hnum sak thintu Pu Zothanpuia chungah Committee chuan lawmthu a sawi.

Tlangvalte'n vengchhungah chhiattawk an awm in thlanlaih hi kan tih tur a ni tih hriain thlanmual lam panin a tam thei ang ber kal tum theuh ang u.

MHIP te'n kuang tuamna puan an thiui sak thin avangin Committee chuan lawmthu a sawi ani.

Branch News

Central Road kawng siamthat hna YMA ten kan thawh chu thawh chhunzawm zel a ni a. Ni 3 & 4. 8.2012 khan leivung tla chu JCB hmanga hai a ni.

In luah tur nei ten mi kan luohtir dawnin engang mi nge an ni tih chian hmasak hram nise. Mi chiangkuang lo te chu In luohtir lo turin kan in ngen.

Branch Vice President Pu R.Lalhmachhuana leh Tv Lalsawmzuala te damsam lo chu an dam leh thuai an duh.

Branch Executive Member Pu VL Thakima Office Duty a Champhai lam zin pawh dam takin a lo haw e.

YMA hmalakna kawng hrang hrangah Hruaitute leh member te tan la chho zel turin kan in ngen a ni.

PEM LUT

1. Pu Johana Sailote chhung chu Chanmari atangin Pu L.Nghaklianaa 'T' Section te Inah.

2. Pu Lalenkawlate chhung chu Chanmari atangin Pu Lalthuama 'T' Section te Inah.

3. Lalhmangaihzuale unau chu S.Chawngtui atangin Pu Lalthuama 'T' Section te Inah

4. Pu R.Immanuel nupa chu Khatla 'S' atangin Pi Sangmawii Tochhawng 'T' Section-te Inah.

5. Pu Lalnunhlua te chhung chu Chaltlang atangin Pu Lalduhawma 'T' Section te Inah.

6. Pu Malsawmdawngliana te chhung chu Bawngkawn atangin Pu Lalduhawma 'T' Section-te Inah.



TUN KAR CHANGVAWN

"Nunna hmangaih duh leh Ni tha te hmuh duh chuan Sual lakah a lei veng tha sela, A hmui pawh ngamthlemina thusawi lo turin Veng tha rawh se. Sual hawisanin T h i l

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngetha	9862358337
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

YMA chuan pem lehkha kan buaipui viau thin a, kan thatpui khat chuan hriat mah se, kan buaipui ang hu hian kan hlawkpui em tih erawh zawnha a awm a ni. Kan sawtpui lem lo pawh nise eng emaw chen chu a ven tho avang erawh chuan chhunzawm zel tho tur a ni ang. Kan kalphung erawh kan siamthat hret hret angai a ni.

Veng chhunga pawl hrang Local Council leh Kohhran nena kan tanrual that loh chuan thiltih tak tak a harsa thin a ni. Local Council hi veng chhunga awm phal theitu leh phal lo theitu anni a, chuvang chuan anni lam hian khauh takin hma la thei se, chu chu YMA hian chak takin lo thawhpui bawk ila a tha khawp ang.

Kohhran pawh hian an lehkha pekchhuah leh dawnah hian fimkhur chu an ngai ve tho ni chuan a lang, a bik takin pem lehkha an dawn ang ang chhiar a, lo pawm mai hi an ba bik lo ni chuan a lang a, lo enchiang a, chhui zui a tul hun chuan chhui zuiin pawm tlak a nih leh nih loh finfiah ve thin bawk se a tha khawp ang.

Kan ramah chhiat tawh theihna thil tam tak a awm a, lir pawh vawi ruk chuang zet a nghing tawh a, fimkhur kan ngai a, kan thuchhuah hi ngaihnawm lo mahse chhiar a, hriat tum hram a va tha em.

Article :**LIRNGHING**

- Lalchhandama

Lirnghing tehna :

Lirnghing nat zawng tehna hi Seismograph a ni a, ateh chhuah zat chu Richter Scale (R.S) an ti. number 1- 9 thleng a awmin athawhnat zawng pawh a inthlau hle. Richter Scale tam apiangah lirnghing a na a, a inthlau thei hle. Entiran R.S a 6.5chu 5.5 aiin a let 30 vel zetin a thawkna zawk tihna a ni.

R.S a 6.33 chu Hiroshima a AtomBomb an thlak ang vel kha a ni a. Lirnghing tanna atanga R.S a zira a nghawr theih zau zawng hetiang hi a ni -

R.S 5 in 16 km (8 km bial)

R.S 7 in 160 km (80 km bial)

R.S 8 in 500 km (250 km bial)

US Geological Society ten lirnghing thlen zin dan kum 1900 atanga an lo chhinchhiah dan in leh a chawhrualin kumtin lirpui vawi 15 - 20 vel nghing thin ang leh kumtin mi 10,000 vel thi ziah angin an chhut bawk.

India ram lirnghing kawngpui :

Mizoram hi Himalaya tlangdung hmawr tawng a nih ve avangin Indian plate leh Asia plate innawk avangin tlang dung leh kawr ruam bakah lei khichat engemaw zah kan nei a. Tin, Mizoram hi lirnghing thlen duhna hmun hlauhawm ah a awm an tih thin nachhan pawh India ram State hrang hranga lir lo nghing tawh dan history te, ram leilung pian chhuah dan leh pian to hrim hrim te leh leilung awm dan zirna atangin lirnghing thlen theihna hmun, Seismic Zone hrang hrang mithiam ten an siam a ni a. Hei hi kum 1962, 1967, 1970, 1975, 1984, 2002-ah te lo siam tha tawhin, India hmarchhak leh hmun thenkhat hi chu Zone V ah kan la awm tan ngar ngar mai a ni. He Zone V-a awm ve State dangte hi chuan lirnghing na tak antawk vek tawh nghe nghe a, India hmarchhak ah pawh Kum 1859, 1897, 1950 ah te khan na tak in a lo nghing tawh a, Mizoram hi kan la vannei hle a ni.

India Seismic Zonation 2002 an then dan chu:

Zone V - Very high damage risk zone – India ram 12% a awm

Zone IV - High damage risk zone – India ram 18% a awm

Zone III - Moderate damage risk zone – India ram 26% a awm

Zone II - Low damage risk zone – India ram 44% a awm

Lirnghing hian kawng te pawh nei thin niin kan sawi bawk thin a. Lirnghing kawng han tih a pan lam nei a, lamlan angdeuha lir a nghing pawha zawh leh thawkna bik tur leh kawng tum nei anga ngaih te pawh awmthei a ni. Lirnghing hian kawng zawh bik nei lovin aram tuamin a tuam thin a, a nghin tanna

hmun leh a chhehvela ram leilung nghetlo leh khikak tam laite leh a sihhnip lai te chu a nghawng na bik deuh mai a ni. Chuvang chuan World Seismic Belt emaw, Earthquake Zone emaw sawi na a nihlochuan lirnghing kawng ti a sawi chu adik chiah awmlo ve.

Mizoram chu a hlauhawmna laiber Zone V-ah kan awm anih chuan engtin nge ni ang le? Lirnghing hi a nghinna hmun thuk zawng (focus), nat zawng (magnitude) leh a nghin hun rei zawngahte a nghawng nat leh nat loh ah te inngat tho mah se, an nghin chhuahna (epicenter) leh a nghinna bawr vela leilung sakhat leh sakhat lovah pawh ainngat thui hle. Leilung sakhat tha ah chuan a nghawr a na hma a, leilung thawl deuhah a na nep deuh thin, tiin dik mang lo takin kan in thlamuanna a. Mizoram chu lirnghing natak thlen theihna Zone V-ah awm mah ila, eng anga na lirnghing pawh lo thleng sela kan leilung thawl leh muk lo tak hian chu lirnghing nghawr chu a lo hip emaw, lo tinep theidawn emaw ka ti thin hi a dik chiah lo a ni.

US Geological Society leh mithiamten khawvel hmun hrang hranga lirnghingthleng tawh te zir chianna atang a an hmuhchhuah chu Mizoram ang leilung muk lo leh hnip (soft sediment leh soft soil) ah te hianlirnghing nghawr hi leilung chang tha aiin alet engngemaw zah a nain a thawk na theih a nghawng pawh hmun dang aiin a let 6 velzetiin a na thei tih a ni tlat mai. Lirnghing na tak mai nghin chhuahna emaw nghawr phakah Mizoram hi tang ta se kan lei muk loh hi chu thuhran, kan insak dan mumal lo te, in leh in inhnaih lutuk te, insak tanna ai a tawp lam arh lutukte, kan hmanrawhman

....Phek thumnaah zawm

2012 Thuvawn

I awmdan tur chu
LALPA chungah nghan
la; Amah chu ring la,
aman a ti vek ang.

VANAPA

➤ Pi Biakmawii w/o Pu Thlamkunga (L) chu an in lamah enkawl mek a ni a, Pu Lalnunmawia, Durtlang lamah enkawl mek ala ni bawk.

➤ Hun remchangah Section Committee koh tum a ni

➤ Section chhungah Local Council ten Anganwadi Centre dah an tuma hma an rawn la mek chu lawmawm an ti tak zet a ni.

➤ An Leader Pu VL Thakima leh Tv R.Lalrinngheta-te hna pawimawh avangin Champhai an zin pawh an lo haw thuai an beisei.

➤ An hruaitu hlui Pi Lalchawimawii Ngente in Doctorate Degree a hmu thar a, an chhuangin an lawmpui tak zet a ni.

KUANGCHERA

➤ Doordarshan Kendra (Aizawl)-ah Lengkawm Zai record tura inbuatsaihna kalpui mek zel a ni a, hla zira kal thin zawng zawngte chungah lawmthu an sawi. Nu leh pa leh nula tlangval a tam thei ang ber zir turin an insawm.

➤ Hun remchang hmasa berah Committee koh tum a ni a, hruaitute hunawl lo insiam turin an inchah lawk a ni.

➤ Sumtuak nan lei laih tum a ni a, hnatlan hunah hian member-te a tam thei ang ber thawkchhuak turin an innge a ni.

➤ Hla zirnan in phal taka hmantirtu an Asstt. Leader, Pu Lalrinliana Ngente chungah lawmthu an sawi.

TAITSENA

➤ Ni 31.7.2012 zan khan Section Committee an thu a, thu pawimawh tak tak rel a ni.

➤ H/No. leh Name Plate duh tur chuan an duh dan kim chang taka sawiin hruaitute hnenah hriattir tur a ni.

➤ CYMA in Ruihhlo ngaitte puala Gospel Camping Berawtlanga a buatsaih turah a kal tur chuan Ni 8.8.2012 (Nilaini) aia tlai lovah Secretary hnenah in-report turin an inhriattir.

➤ An Section chhunga Bial 10-naah Mitthi buhfai khawn turin Malsawmsangi D/o L.H. Zamveli chu ruat belh a ni.

➤ An Section kuang dahna tur siam saktu Pu Zothanpuia chungah an lawm hle.

NEUVA

➤ Ni 2.8.2012 (Zirtawp) zan khan Section Meeting, OB i/c Pu K Darthanluanga hoin neih a ni a, hmalakna tur tam tak rel a ni.

➤ Ni 5.8.2012 (Chawlhi) tlai dar 3 hian damlo kan tur leh Duty turin Pasaltha Neuva Inah Section hruaitute kal khawm tur a ni.

➤ Kumin chhung a section project pakhat thingpui in na No 240 lei thar a ni a. Silk screen hmanga chhinchhiahna siam sak tu Tv Lalhriatkima chungah lawmthu an sawi.

➤ Ni 4.8.2012 (Inrinni) khan section thuthleng siam pahin property en fel leh thing phun a nileng hnatlang neih a ni a. Member an thawkchhuak tha hle. Hnatlangte ei tur Ar tum saktu Pu Lalramsanga chungah lawmthu an sawi.

➤ An hruaitu Pu HVL Zasanga damlo, tuna Aizawl Hospital a awm mek chu tha taka a lo chhuah leh thuai an beisei.

➤ Pu Zonunsanga (L) hriatrengna atan a nupui Pi Dari leh a fate'n section tan puan 3 an pe.

➤ Retaller Pi Remsangpui leh Pi Lalringiani ten section tan chini thahnem tak an pe chu an lawm hle.

➤ Mithi lumen, khawhar in kal leh thlanlaihte hi thalai te tih tur a nih ang ngeiin theih tawp chhuah theuh turin an in chah.

CHAWNGBAWLA

➤ Pu Zodingiana S/o Pi Thanghrimi chu New Life Hospitalah a awm a, dam taka a lo chhuah leh thuai an bei sei.

➤ Hun remchang hmasaah Section Committee that tum a ni.

➤ Vawiin tlai Dar 4:00ah hian Pu Lalruatsanga Treasurer inah Section hruaitute kal khawm tur a ni.

ZOFA

➤ Club T Shirt peih fel tawh a ni a, member-te Rs 150/- kengin Secretary hnenah lam theih a ni.

➤ Vengchhung pawl hrang hrangte nena intihhlimna neih tuma hma lak mek a ni.

➤ An hruaitu Tv. Mangheta leh Pu Thaa zin pawh dam takin an lo haw leh ta.

➤ Song & Drama Programme Kolasib-a nei turin hmalak mek a ni.

....Phek hnihna zawmna

fimkhur lo nen, min tur, chim tur, tluchhe tur kan tam hle ang a, kan vai tluk rup mai ang tih hi a hlauhawm. Chuvangina theih hram chuan in sakna hmun, sak dan, sak chin tur, hmanrua leh a chhung sak dan zawng zawng kan uluk a ngai hle.

Hmahuaitu leh hnukhawi:

Lirnghing lian tham a thlen dawn hian lir hmahuai (foreshock) a thleng hmasa fo thin, hei hi hman tangkai a hman leh thiam chuan lirpui lothlen tak tak hmain a lo inralrin lawk theihdeuh a, mahse lir hmahuai a ni ngei tih hriat meuh chuan lir tak tak a nghing hman thin. Tin lirpui a nghin zawh hian a thualna ang rengin a hnukhawi (after shock) a thleng ziah bawk. He lir hnukhawi hi chu lirpui a nghin laia leilungleh a thil khawh chhiatte insiamremna avang a ni a, a nep tham deuh nain a thlen zin chuan lirpuiin a sawi chhiat zawh chiahloh pawh a ti hchhiat belh thei a, chhanchhuhahna hnathawh lam a ti khaihlak thei bawk. October 8, 2005-a Muzaffarabad (POK) 7.6 Richter Scale a naa a nghin khan ni 2 lek chhungan lir hnukhawi (after shock) vawi 140 vel a nging a, vawi 21 aiatam mah chu 5 Richter Scale vel lai a nate an ni. May 2008-a Sichuan (China) a mi 90,000 vel an thihnaah pawh khan ni khat lek chhungan after shock vawi 166 zet anghing hman a ni.

Lirnghing vanga chhiatna tihne:

Lirnghing hi a pumpelhtheih lohva, a inven theih tak tak loh bawk; mahse lirnghing vanga chhiatna leh tawrhate chu a tih nep theih. Sawi tawh angina lirnghing hi leilunga chhiatna lo thleng rau rau ah chuan thawk rei lo ber leh amahngawt chuan pawikhawih mang lo a ni a; anghawng chhuah in leh lo tlusawp leh kangmei chhuak thin te hi a pawikhawih tu zawk an ni. Pathian khawngaihna avangte pawh a ni ang lir nasa chu kan la tuar lochu a ni a, mahse engtikah emaw chuan alo thlen hmeli si a. J. F. Kennedy-a chuan, "Inchung pawp bel that hun chu ni sen satlai a ni e," a lo tih angin inven lawkna leh tawrhna tinep tura hmalakna leh chhiatna nasa kan tawh loh natura kan fimkhur a kan in hmakhawsuih erawh atul hle awm e.

KEIMAHNI

➤ YMAAW chhutna hmun chu tih changtlun zel a ni a, dawhkan siam tir mek a ni a, mamawh thil hrang hrang a tam a, thil mamawh pe duh tan pek theih reng a ni.

➤ News Editor Mangheta pawh Champhai lamah a zin a, tluang taka a rawn haw lehthuai an beisei.

➤ Production Manager Pu Valtea damlo pawh a dam leh thuai an duh sak hle.

chhuawm

Lalchawimawi Ngente chuan Department of Forestry, Mizoram University atangin Ph.D a dawng. Chanmari West atanga hetiang degree dawng thei pathumna a ni a, hmeichhiaah phei dawng awmchhun a ni. Pu Remsangpuia nupui Dr. Lalchawimawii Ngente hi Pu VL. Hmuaka leh Pi Lallhupui-te fanu neih chhun a ni. Unau pali zinga upa ber a ni a, a naute pawh hi an thiamna kawngah chuan graduate anni vek tawh a ni.

Ni 16.12.1981 a piang Chawii hian Pu Lalkunga School atangin zir bul a tan a, Middle School chu Chanmari West Middle School-ah a kal a, RM High School leh Govt. Mizo Higher Secondary School atangin matric a zo leh a ni. Higher Secondary chu Repuplic Higher Secondary School atanga zovin Bsc(Botany) pawh Pachhunga University College atangin a zo leh bawk.

College of Teacher Education a thawk mek Dr. Chawii hian M.Sc (Botany) chu Madras University atangin kum 2004 khan a zo va, kum 2006 khan Mizoram University atangin B.ed a zo leh bawk. Zirna kawngah hian mi taima tumruh tak a ni a, tunah pawh hian nu ni chungin he degree hi a sual chhuak a ni.

He degree a lakna turah hian a thesis chu "Phytochemical Investigations of selected etho-medicinal plants of Mizoram" a ni. Ramhmul damdawia hman thin hrang hrangte zirchianna a ni a, thlai thlan bik chu sawr zim lehin thlai pakhat 'Raisentur' tih chu zir bing

leh a ni. Tichuan he thlaia damdawi awm hi lakchhuah a ni a, eng chemical nge tih zawn chhuah leh a ni. Mizoten he damdawi kan hmanna chu kawthaloh leh santenah a ni a, hetianga he damdawi kan hman hi a tha ngei em tih laboratory-ah zirchian leh a ni a, a lo tha ngei tih pawh finfiah a ni.

Central YMA

⦿ Ni 20.7.2012 khan Selesih Branch YMA chuan Legal Awareness Campaign an nei a, he hun hi Pu R. Thanga CEC, Tv. Lalhmachhuana CEC leh Legal Sub-Committee member ten an hmanpui.

⦿ Ni 21.7.2012 zing dar 1 vela ZK Travel MZ 01 E 7105 Keifang Quarry chimin a hnawl avanga nunna chan mi 18 te chu Central YMA hmingin ralna Rs. 1000/- theuh pek an ni a, Keifangah hian Pu Vanlaluata, Gen. Secretary leh Pu Lalhmingiana Colney CEC te an kal bawk.

⦿ Ni 19.7.2012 khan Ailawng Branch YMA ten Rising Day an hmang a, Central YMA atangin Pu T. Sangkunga, President-in a hmanpui.

⦿ Mizoramah Petrol pawh dal a awm thin avangin Aizawl khawpui chhunga Petrol Pump neitute chu 23.7.2012 khan Central YMA Office-ah Office Bearers te nen an inkawm.

⦿ Ni 26.7.2012 khan YMA General Conference thurel 'Tuihna humhalh leh a awmsa tihpun' chungchangah CYMA leh PHED ten Coordination Committee an din chu PHED E-in-C Office Chamber-ah an thukhawm a, he meeting hian 'Tuihna humhalh beihpui' hawnna Ni 8.8.2012 hian Vanpa Hall-ah neih nise an ti.

S M S

SMS thawnnna tur : 9862358337.

⦿ Khawvel changkanna rual a, chhungtin ten ke kan pen rual hian tlwmngaih hna leh aia upa zah hi changkanna kan um ang bawk hian kan ding lamah dahin ke i pen tir ve ang u.

Alabaster Lelhchhun,
9612462526

SMS kan dawnte hi Editorial Board ngaihdan a ni vek kher lo.

THINGZAI DUH TAN

**RH. FURNITURE
CHANMARI WEST
CH - SECTION-AH ENGTIK
LAI PAWHIN THINGZAI THA
TAK TAK LEI TURA AAWM
TAE.**

Contact : 0389-2344131
9612166482
Proprietor

K. Lalthakima
Chawngbawla Section.

CHESTER ENTERPRISE

Vaivakawn (Near SBI, ATM Booth) Xerox, DTP, Passport Photo, Lamination, Spiral Binding, Self Ink Seal, Banner, Signboard etc T-Shirt Printing, Jersey Number leh Hming Chhut (All Kinds of Silkscreen Printing)

Chhiat Ni leh Thatniah thla la tura koh theih reng kan ni e.

Hriata (Neuva Section)
Phone No. 9774399056,
(3-2) 9856606722

C W S C

⦿ CWSC member lak tharte Pu C. Zonunsanga Joint Secretary hnenah theh lut turin an inchah.


⦿ CWSC Executive Committee meeting thuai tum a ni.

FOOTBALL MANAGING BOARD

⦿ Inrinni zingkar khan hruaitute Brick thiар a sum tuak hnatlang neih a ni a. Inhlawhna siamsaktu Local Council chungah lawmthu an sawi.

⦿ August Ni 21 atangin ADFA hnuai a 1st Division Season Openning Tournament atan Local Council phalna in Vengchhungah vehbur khawn mek a ni a, tlwmngai a lo pe tute zawng zawng chungah lawmthu an sawi.

⦿ Hun remchang hmasa berah Meeting koh tum a ni.



Tlangval tlwmngai thlanlaite